

Cuira, ils 11-5-2010

Communicaziun allas medias

### **180 dis Tel Aviv – in'exposiziun da Donat Caduff**

Donat Caduff expونا a Laax lavurs ch'el ha fatg duront siu temps a Tel Aviv. Equipaus cun cudischs da sbozs, in aparat da fotografar ed in laptop, ha il graficher da Sagogn observau duront sis meins il cunfar quotidian dalla metropola israelita.

Il resultat da sias retschercas muossa Donat Caduff cun ina collecziun da dessegns, skizzas e fotografias ed installaziuns che vegnan presentadas proximamein en in'exposiziun dalla Lia Rumantscha ella galleria digl anteriur Hotel Arena Alva a Laax.

Cun sias lavurs vul il documentader illustrar a moda e maniera persunala si'atgna vesta da quei marcau. El fa quei cunscientamein en contrast cun la tenuta dils mieds da massa che rapportan ord il Proxim Orient fetg savens davart eveniments spectaculars dalla terrur e dall'uiara. Donat Caduff metta en damonda quei maletg negativ e limitau.

El documentescha il mintgadi a Tel Aviv – live, real e tuttavia era subjectivamein. Entras sias observaziuns ha Donat Caduff empriu d'enconuscher ina metropola sorprendentamein pascheivla e multifara, in marcau che sedrezza fermamein enviars il vest, aber che s'identifiescha el medem mument era cun la cultura araba.

Cun questa exposiziun se presenta Donat Caduff per l'emprema gada cun sias lavurs ella Surselva. El ha terminau la scola d'art ad Amsterdam avon dus onns e lavura pil mument el Tiroi dil Sid sco graficher.

#### Datas

15 da matg - 26 da zercladur

Laax, Galleria Via Curtgin pign 35 (ant. Hotel Arena Alva)

Vernissascha: sonda, 15 da matg, 17 h

Finissascha: sonda, 26 da zercladur, 17 h

Temps d'avertura:

gliendisdis - venderdis allas 8-12 h e 14-18 h

ni sin damonda: 076 400 25 27

Igl expositur ei presents:

- dumengia, ils 16 da matg, allas 15-18 h

- Tschuncheismas, ils 23 da matg, allas 17-20 h